

吳伯雄
編

陳壽祺全集

24



廣陵書社

陳壽祺全集



廣陵書社

第二十四冊

卷六十六 學校 汀州府 福寧府 臺灣府 永春州 龍巖州 一

卷六十七 經籍 福州府 (一) 九三

卷六十八 經籍 福州府 (二) 一七九

卷六十九 經籍 福州府 (三) 二四五

卷七十 經籍 興化府 (一) 三六五

卷七十一 經籍 興化府 (二) 四九九

重纂福建通志卷之六十六

學校

汀州府

學在治東臥龍山麓宋咸平二年創廟於鄞江門內天聖閒始創
學遷州東橫岡嶺下崇寧閒行三舍法郡守陳粹以舊學卑隘遷
東北興賢門外紹興三年郡守鄭強以州學不當置城外改建今
所殿翼兩廊分別六齋殿後建明倫堂堂後建稽古閣其後絕高
處建閣曰宸奎強自爲記嘉熙二年郡守戴挺教授張實甫以廟學混
處非宜乃就學左射圃地創文會堂中前後爲三齋後守姚元特
畢其功魏鼎記開慶初郡守胡太初重建大成殿御書稽古二閣

明倫堂桂芳二堂

太初自爲記

浚泮池作石橋

劉克莊記

明成化閒提學僉

事周孟中置樂器教樂舞以奉二丁之祭宏治閒知府吳文度同知章頤相繼興修正德二年知府蔡餘慶建名宦鄉賢祠於殿前後西偏嘉靖十年詔易像以木主十七年知府馬坤建樂育彙征二坊於門外之東西楊昱記崇禎九年知府唐世涵易櫺星門以石立射圃

國朝康熙閒學道楊中岳巡道周昌同知胡以渙知府鄢翼明繼葺

黎士宏記乾隆十四年知府曾曰瑛修明倫堂二十四年知府高霨重

修嘉慶九年知府李明心拓殿基高盈尺殿後爲崇聖祠祠左爲

尊經閣閣前爲明倫堂并建文昌祠魁星閣李廣芸記道光七年明倫

堂燬郡人合貲重建

名宦祠

在府學左

鄉賢祠

在府學右

教授宅

訓導宅

俱在學宮左

學額

廩膳生員四十名增廣生員四十名附學生員歲科兩試每次各屬撥入二十名武生歲科併試撥入二十名

學田

原額實在八畝五分零年徵租銀三兩七分零康熙二十一年總督姚啓聖捐置田五十二畝七分零

龍山書院在文廠後康熙二十年巡道鄧秉恆知府鄔翼明創建

三十五年知府王廷掄置田以充經費乾隆十四年知府曾曰瑛

拓建前造正學津梁堂後增學舍二十間

清查龍山龍江書院歲入租米八十石六斗零

租穀一十九石零租銀一百二十八兩六錢零又以其餘貲三千金置產給膏火記略漢初校士無官士之明經爲專家學者各數於鄉而從遊之彥裏糧奔走千里外風何古也後世倣而行之石鼓嶽麓白鹿睢陽迭興踵起書院之設斯爲盛矣汀舊有書院在龍山之麓創之者觀察瀧江鄧公成其志者太守藩陽鄔公修葺而整新之者太守簡庵王公然稍秋隘不能容多士吾鄉芝田曾公以其世業守鄧江下車之明年修學宮纂郡志築演武場隄置掩骼塚懲慙戢奸禁火葬開喪溺女陋習諸紳悉雅百廢俱舉猶

思教化行而風俗美必自士始乃興書院捐清俸為郡大夫士倡於是鳩工庀材外為大門為正學津梁亭稍進為桂香堂又進為星聚軒軒之上為文昌閣折而西偏為松風逕為凝道堂其他麟次錯落為士子習靜所者五十餘植重門衙衛層廡翼翼雄規偉觀穆然靚深一洗昔之閭陋而開文明之新矣又以其餘貲三千金置腴產給膏火請於上司刊籍勒石永為書院費招集生徒有學行者四十人延永福舉人黃君惠為之師其條教一依朱子白鹿洞緘書屬予一言予喜公之能以文翁庠序之所為不辭而為之記且竊有進焉者士傲於俗學久矣東髮受書即留心於科舉之習雕琢輦輓務悅世眼今汀士于然挾策而來樂羣有地敬業有資於以詠歌先王游泳聖域甚適也然必思求古聖賢之所以安身立命者何在而無誘於勢利不安於小成將處為名儒出為名臣粹然為體用兼備嘉慶二十二年督學吳椿知府孫爾之學是則公設教之意也乎

準知縣吳應韶重建增學舍至百餘間

餘銀三百七十二兩置產番銀四千圓發商生息以

給膏火

龍江書院在西門外明天啓閒推官寇從化知縣蕭奕輔建

國朝康熙四十九年知府馮協一重修

龍山學舍在長汀縣學左明萬厯間知府萬振孫建

中爲時雨堂後爲聚奎軒

東西列爲書房編以恭寬信敏惠五號每號十間稍南爲萃英門

文明書院

在府學內今廢

崇正書院在蒼玉洞右之巔

東禪寺舊址

明嘉靖二十九年知府陳洪

範建敬業堂左爲三賢祠祀朱子及楊方文天祥集各屬諸生肄業其中

社學

在舊鎮南門外明宏治四年郡守吳文度建

正音書院

在府城隍廟左清風樓雍正七年奉文設立乾隆十四年知府曾日瑛捐俸延師今改長汀社學名森玉書院

長汀縣

學在府治東橫岡嶺下舊在興賢門外宋紹興三年遷郡學於城內遂以舊學爲縣學惟大成殿獨存春秋二丁之祭行禮於此

而士之肄業猶附於郡學開禧間邑令劉諒之修建學制始備酒
祐間令陳顯伯修大成殿闢麗澤堂爲齋三曰尙志閱禮修性

後令趙崇濂成之

張璠記

元至正間燬於兵遂移縣南五里許明洪

武六年知縣陳伯正復於舊所正統十四年又燬於寇景泰七年

教諭章唐白於知府舒瞳創禮殿天順二年知府李瓊拓址重建

章綸記

成化八年河決近學隄岸諸生鍾正等請於御史洪性提學

游明等移於今所殿廡門堂如制堂之後爲尊經閣東爲號房十

七年提學周孟中拓解舍

謝一夔記

十八年提學任彥常知府黃瑄及

邑人新昌訓導鍾正等復增葺之宏治元年知縣謝珪四年知府

吳文度知縣黃富十年知縣黃汝隆以次興修正德十五年提學

胡鐸漳南道周期雍知縣黃用直移禮殿於西移明倫堂於東

王思

記嘉靖三年提學邵銳以學左開元寺爲大成殿五年知府邵

有道知縣李日芳遂以舊殿爲宋文天祥祠邵銳記三十一年知府

汪俅知縣祝一鑑新廟學王慎中記略學之立否果有繫於人材

莫春秋時爲多然鄭在王畿之內學校廢弛詩人傷焉子矜之篇
顯著於風子產爲政與人頌之以爲能教其子弟者而毀鄉校之
說獨出於其時魯最爲禮義之國泮宮之作猶待於僖公周之天
子未嘗以貢士中否用慶讓之典於諸侯王臣行過侯國以臺池
苑囿之崇陂梁道路之弗占國之不治不聞以學校不立爲議而
原氏之卿士至以不悅學語於朝其上下之間怠於學校之事如
此士之生於其世顧多碩大光明之才大足以用其國其次亦足
以從政其臨利害生死之際而節足以有明處進退去就之幾而
智足以自決者尤不爲少也西漢立太學設博士郡國舉孝廉而
增廣學宮弟子諸儒經明者得以列學宮而雅樂亦盡出獻之三
雍有大政事賢良文學與公卿大夫雜議彬彬之盛庶幾乎金口
而木舌矣由建武而及本初之元尤留意於斯拓立學舍益置弟
子員視西漢有加焉然兩漢之士皆尙通而易愉好異而多蔽故
倖得苟免之行成而不繫於名法詭訐矯拂之習勝而不致於實
用而其微詞顯義誦傳而闡發者亦未有及春秋之世能言者之
一二也學之立否信於人才之成壞未有繫也歟嗚呼先王將以

道德一天下之民而其秀而可使知者爲可以用其教此士之所
以貴而學之所以立也道德之在於教者其講肄有業其辨說有
數其舞蹈有節其視聽有物其導之勤則春夏秋冬有其術而旦
晝向晦皆必有所爲其視之詳則一年二年有其等至於九年之
久猶懼其將反也其勤且詳如此使其精於思而不惑純於氣而
不亂故其知之明則通乎天地萬物之奧而無所不盡其才之充
則適乎天下國家之用而無所不得其教之成至於化俗學之行
至於動眾則賡緝周浹範圍鼓舞民莫知其所以然而皆一於道
德及其既衰遺俗緒訓猶足以覺悟乎有聞者之聰明感奮乎好
善者之踐修蓋其學廢而教猶有存也春秋之世所以成材之多
其不以此與而彼兩漢之士不得預被先王之教徒以建學立師
之廣而亦有以美其才其所就誠愧於春秋而後世莫過焉學之
果不可以已也汀州知府汪君儀以鉅才爲福郡力益有餘而吾
同年友李君遂方以福建左參政行部汀州視其學地日是其方
位據向不爲良也盡革而圖諸乃改位於其地之右長汀知縣祝
君一鑑後至原本大吏之意而奉其所營於是斷刻丹蘄之飾煥
然完富而新學之美甲於郡中汪君因李君以來請記夫去古益
遠之後有能因當時之法揆先王之意興學以造士如諸君子之
所爲者長汀之士其所遭既已有過於春秋而不後兩漢矣諸士
宜其來學而樂也其尙盡心焉務使論者無以咎士而將有以明
有司之功也其亦汪君來請之意也歟

三十九年知府楊世芳繼葺萬厯三年知府

潘民模通判潘侃如知縣伍士望三十二年御史方元彥知縣邱民貴重修天啓中知縣蕭奕輔葺崇禎三年知縣薛應聘建興賢育才二坊知府唐世涵同知黃色中推官唐錫蕃重修

國朝順治十六年知府王康侯康熙閒學道丁蕙巡道周昌知府鄔翼明同知胡以渙知縣韓世縉馮忠先張文偉教諭蔡芳邑士張化文等先後重修雍正元年知縣趙煌邑紳士李欽舜等增學址高二尺八年知縣徐淮紳士周朝聘等繼修乾隆閒教諭劉公篤張雷光知縣丁濰方輔悟王惠齡縣丞錢之青邑紳士李永珩段三錫鍾懷祖葉訓等相繼完葺道光七年紳士汪壘等請於知府覺羅誠善知縣謝炳然王壘等撤其舊而新之廟左爲明倫堂中開甬道達於崇聖祠堂北爲尊經閣敬一亭門外泮池通龍山活

水跨以石橋拓櫺星門而廣之

名宦祠

在戟門左

鄉賢祠

在戟門右

教諭宅

在土地祠左

訓導宅

在殿右

學額

廩膳生員二十名增廣生員二十名附學生員歲科兩試每次取二十名武生歲科併試取十五名

學田

原額實在二百八畝年徵租銀六十八兩六錢三分康熙二十一年總督姚啓聖捐置田一十畝四分零

鄞江書院在登俊坊明崇禎七年知縣曾巽建

新羅書院在城南霹靂巖右

森玉書院在府城隍廟左舊爲府正音書院

覺羅書院在三元閣下明崇禎間建

國朝乾隆十一年郡守沈偉業修十九年邑令丁澹繼葺

正誼書院在烏石山祀宋丞相文天祥康熙二十年建

道南書院在府城隍廟右新街巷

麗澤書院在府學左

紫陽書院在福壽坊東乾隆十四年知府曾曰瑛捐俸延師教課
書生十九年邑令丁濰重修

東山書院在龍首山山陬有亭署狀元峯

龍山社學 在龍山書院後舊爲三教堂乾隆四十六年撤燬知縣徐曰都詳改社學 福壽坊社學 攀

桂坊社學 歸陽里社學 古貴里社學 青巖里社學 宣河

里金雞寺社學 平原里東山寺社學 平原里龍山寺社學

青泰里社學 宣成畚心里社學 四保里社學 成下里社學

成上里社學 以上十三處俱雍正二年設

正音書院

在福壽坊東雍正七年奉文設立

寧化縣

學在縣治後光嚴寺故址宋建炎二年邑令施禔創建於縣東正街淳熙十年令趙伯虎遷縣北翠華山下寶祐間邑令林公玉重創講堂左右列四齋學門之前創亭繪古今名儒扁曰仰高元燬於兵明洪武十一年知縣張思誠重建殿廡堂齋俱備

張震記

成化

七年同知程熙建書樓於堂之東西建文會堂於堂之北邑無登賢書者或咎學宮非所議光嚴寺最吉正德十五年有例毀寺貢生羅舉諸生楊喬陰廷等呈教諭王雍聞於御史沈灼十六年遂遷於光嚴寺修建如制嘉靖四年提學邵銳推官秦僕知縣馬淑更修之增前殿址二尺餘建大成殿增後殿址三尺餘建明倫

堂堂左右爲居仁由義二齋十年知縣莫大德建敬一亭啓聖祠
隆慶六年署縣吳之儒仍遷於翠華山南萬厯七年守道鄭汝璧
巡道彭應時署縣推官金倬復遷於光嚴寺大加修葺四十三年
署縣同知熊茂松重建教諭張濤改啓聖祠爲尊經閣茂松記略
寧化儒學
自宋建炎以來三遷
而復於光嚴寺故址四十七年通判萬邦憲遷啓聖祠於翰墨林
後遷明倫堂於教諭廳天啓六年教諭童養學訓導丁培又互易
之崇禎六年復舊地

國朝順治六年七年大水知縣李可喬倡修十六年諸生賴君命葺
明倫堂濬泮池易翼門知縣何鳳岐建青雲亭於廟之東衢康熙
十年教諭林瀚文新戟門十七年知縣王之佐改舊射圃附學宮
東二十一年知縣祝文郁教諭謝汝霖修文郁記雍正五年教諭劉

夢魁訓導魏王樞重修乾隆五十七年知縣毛振翹諸生王召等
 修增殿址高三尺東西廡高尺道光四年邑職員巫成尊率姪監
 生邦治邦鐸邦祐等捐貲獨建及崇聖祠四箴亭諸處終始三歲
 煥然一新

名宦祠

在戟門左祀唐羊士諤王雲宋危建侯鄒括施禔周堯卿
 趙時鎔明梁瑤韋清周楹陳陵榮清景忠王雍張大受熊

汲宗臣徐日隆

國朝郭璜王之

佐范承謨李斯義沈涵金培生

鄉賢祠

在戟門右祀唐伍正己宋伍文仲伍祐伍擇之湯辛叟鄭
 文寶張達觀徐唐雷觀雷協張良裔伍仲休伍杞元賴祿

孫明張顯宗伍志厚雷動化李世熊

國朝陰上升雷鑑伊朝棟伊秉綬

教諭宅

訓導宅

俱在明倫堂右

學額

廩膳生員二十名增廣生員二十名附學生員歲

學田

明嘉靖間知縣潘時宜給寺田二百二十畝八分零年徵租
 銀五十二兩八錢七分國朝康熙二十一年總督姚啟聖